



Otitenani Thomas S. Monson na ɔtwereɛɛɛ

“Menni wo Hwammɔ, na Memmpa W’akyi”

Yen Soro Agya. . .nim se yenya suahunu, nyini na yenya ahɔnden bere a yehyia na yedi amanahunu a ese se yefa mu no so.

Enne metwere wo me journal mu se, “Wei ye nhyiamu a nkannyan wo mu pa ara sene nhyiamu biara a makɔ da.” Biribiara yee sononko a honhom wo mu pa ara.”

Anuanom ne adɔfoɔ, bosome nsia a abesen kɔn no bere a yehyiaa mu wo amansan nhyiamu no, na me yere dɔfoɔ Frances da ayaresabea, a na ɔrete yaw enam ahweasee a ohwee nna kakra a na abesen kɔ no nti. Wo Kɔtɔnimma mu no, ɔsii apini adapen akyi se ɔbenya ne pira ho ayaresa no, ɔkɔɔ ne kra akyi. Mahwere ade kɛsee. Yewaree wo Salt Lake Tempol wo Ahinime (da eto so) 7, 1948. Okyena na anka yebedi yen awaree afehyi-ada a eto so 65. Na ɔye m’abrabo mu dɔfoɔ, me yɔnko a megye no die, ne ɔyɔnkoɔ a ɔben me pa ara. Meka se mafe no a, enntumi nnkyere atenka kɛsee a mewo ma no.

Saa nhyiamu yi ne mfee 50 fiti bere a Otitenani David O. McKay frɛɛ me baa Asomafoɔ Dumienkuo no mu. Wo saa mmere yi nyina ara mu no

atenka a menyaae ara ne me hokafo pa mmoo a ehye ma na edi mu no. Ɔbɔɔ afɔdeɛ pii de boa ma medii me frɛ no nni. Mante da se ɔrewiinwii bere a na metaa tu kwan nna pii anaa eto da nnaawote firi ɔno ne yen mma nkyen. Na ɔye ɔsoro bɔfoɔ ampa.

Mepɛ se mede me nnaaseɛ, ne m’abusua deɛ, ma wo ɔdo kɛsee a wɔada no adi akyerɛ yen firi bere a Frances firii mu no. Yenyaa nkratoɔ krataa ne nkrataa ahaha firii wiase afanaa nyina ara a eno mu no wɔkyereɛ won dɔ a wɔwɔ ma no ne won awerɛkye-kyesem a wɔwɔ ma yen abusua. Yen nsa kaa nhwiren faɛfe pii. Yen ani so ntoboa bebree a wɔyɛɛ maa Amansan Asempatre-dwuma Fotoɔ no wo ne din mu. Megyina yen a wagya yen akyi no ananmu de nnaaseɛ kɛsee ma mo wo mo ayamyɛ ne mo adɔye nsem.

Awerɛkyekyerɛ a eyɛ kɛsee pa ara saa awerɛhoɔ bere a yeredi nkra yi ne m’adanseɛ fa Yesu Kristo asempa ho ne nimdeɛ a mewo se me dɔ da

so te ase. Menim se yen mpaapaamu yi ye tiawa. Yeaye nsoano ayeyedeɛ wo Onyankopɔn fie nam obi a ɔkura tumi se ɔkyekyerɛ wo asase so ne soro. Menim se yebesana aka abɔ mu bio na yen mu rentete da bio. Wei ne nimdeɛ a ehye me den.

Anuanom ne adɔfoɔ, yebetumi asusu se onipa biara nntenaa ase a ɔnnte yaw anaa awerɛhoɔ biara, na mmere biara nni ho wo adasamma abakɔsem mu a akwansideɛ anaa ahohiahia nni ho.

Se ɔbra akwantuo no beye bisibasaa a, eyɛ a ema yebisa yen ho se “me nko ara deɛ aden?” Eto da a yenni anidasoɔ biara, yennhununu hann biara a ebema sum ayera. Adaesoɔ a amma mu de abasamguo brɛ yen, anidasoɔ a ayera no de akomatuo brɛ yen. Ye-su twere kronkron no mu su no bi, se: “Anneduhwam biara nni Gilead?”¹ Yetenka se wɔayi yen totwene; yenya akoma yaw, na yeye ankonam. Emma yennhununu anidasoɔ biara enam yen abrabo mu asiane nti. Yen ho pere yen se yebenya yen haw ho anoaduro, na yen were firi se yehia ɔsoro su a eyɛ abotere.

Akwansideɛ a eba yen so no ye ade a eso yen hwe se yebepere ako yen anim. Asemmissa titire a ese se yeyi ano ne se: so mempa aba, anaa menwie? Se ebinom hunu se wonntumi nni won haw so a, wɔpa aba. Ye-wie nso kyere se pere kɔsi mpo ɔbra awieɛ.

Bere a yeredwene nsem a eto yen ho no, yebetumi ne tete Hiob abɔ mu aka se, “wɔwoo onipa maa ɔhaw.”² Na Hiob ye onipa a “ɔdi mu na ɔtene” a “ɔsuro Oyankopɔn, na ɔyi ne ho firi bɔne ho.”³ Ekɔbaa se Hiob a na ɔwo nyamesuro su, na ɔye ɔdefoɔ pa ara

no hyia sohwe a ebetumi asae obiara. Ohweree n'ahodee, ne nnamfonom dii ne ho few, n'amanehununu dii no nnya, odii n'abusua a wahwere no ho yaw, na wotuu no fo se "dome Onyankopon na wu."⁴ Ogyinaa saa sohwe yi ano na ofirii n'akoma mu kaa se:

"Seesei mpo, hwe osoro ne me danseni wo, na medimafo wo des ekoron."⁵

"Menim se me dimafo te ase."⁶

Hiob kuraa na gvedie mu. So yen nso betumi aye saa bere a yeko amanee a eye yen dea mu?

Berebiara a yerena atenka se abrabo mu nkukruhwease reye ade-soa ama yen no, yenkae se ebinom ako saa tebea no mu, na wogiyina ano adi nkonim.

Asore yi abakosem wo saa asempa mahye bere ano yi wo saa suahunu yi a efa won a wobree nanso wogiyinaa pintinn na womaa won bo to won yam. Aden nti a? Wama Yesu Kristo asempa no aye won abrabo nnyinasoo. Wei na ema yen ahoden ma yetumi fa biribiara a yehyia wo yen akwan mu. Yebeko so ahyia akwansidee nanso yebetumi agyina ano, akokoduro so, na yebedi nkonim.

Saa soro nkuranhyesem ne bohye a esom bo no ma yen so firi yen mpa mu yaw mu, nisuo a yekyi gu sumie so: "Merempa wo, na merennya wo."⁷ Saa awerekyekyerere yi som bo pa ara.

Kwan a matu ako wiase afanan nyina ara akoye me fre ho asede no ama mahunu nneema —pii—de eka ho a ennye ade ketewa ne awereho ne amanehununu a ewo baabiara no. Menntumi nnkari awereho ne oyaw a mahunu bere a mako sra won a wrehyia yawdie, yaree, awaregyaee, oba barima anaa oba-baa a oye asobra-kyee, anaa orehyia bone ho nsunsu-ansoo. Metumi ako so aka dodoo pii efiri se ohaw bebree na ebetumi aba yen so. Eye den se yebema nhwesoo baako pe, nanso berebiara a medwene akwansidee ho no, m'adwene ko Onuabarima Brems so, a na oye me nkwaraa bere mu kwasiada sukuu kyerekyerani. Na oye Asoreba nokorefo, a na owo akoma pa. Na one ne

yere Sadie wo mma nwotwe, na won mu pii ne yen mma mfee ye pe.

Mene Frances ware wice a yetu firii yen ward ho no, na yehunu Onuabarima ne Onuabaa Brems ne won abusua wo awaregyee ne ayie ase, ene ward nhyiamu nso ase.

Wo 1968 mu no Onuabarima Brems hweree ne yere, Sadie. Mfee kakra akyi no ne mma nwotwe no mu mmienu nso firii mu.

Da koro bi beye mfee 13 nie, Onuabarima Brems nana pani free me. Okyere mu se ne nana anya mfee 105. Okaa se, "Owo ayarahwe bea ketewa bi, nanso one n'abusua nyina ara hyia mu Kwasiada biara, na oma asempa nkyerekyere saa bere no." Ode kaa ho se, "Kwasiada a atwa mu yi Nana-barima ka kyere yen se "M'adofoo, mewu saa dapen yi. Momfre Tommy Monson. Obehu dee obeye."

Mekosraa Onuabarima Brems eda a eto so no anwumere. Na mehunu no akye. Manntumi ne no annkasa, efiri se na n'aso asi. Manntumi antwere amma no se onkan, efiri se na n'ani afira. Woka kyere me se, se n'abusuafo ne no bekasa a, wode ne nsa nifa nsatea twer onipa a oesra no no din wo benkum no mu. Wotwere asem biara a wobeka no saa kwan yi so. Mefaa sa kwan yi so soo ne nsatea mu de twer T-O-M-M-Y M-O-N-S-O-N, din a na ode nim me. Onuabarima Brems ani gyee, na soo me nsam de too ne tiri so. Mehunu se na ope se yema no asofodie nhyira. Ohyenkafo a one me koo ayaresabea ho no kaa me ho na yede nsa guu Onuabarima Brems so na yema no nhyira a orehwehwe no. Akyire no, nisuo firii n'ani a ennhu adee no ase guu. Ode nnaasee soo yen nsa mu. Ewom se wante nhyira a yede maa no dee, nanso na Honhom no mu ye den, na megyedi se onam nkanyan so hunuu se yema no nhyira a ohia no. Na saa papa dofo yi nnhunu adee bio. Na onte asem bio. Anopa ne awia nyina ara na ohye dan bi mu wo ayaresabea ho. Nanso sere a na ewo n'anim no ne nsem a okaa no kaa m'akoma. Okaa se "Me da ase." "M'Agya a owo Soro no ne m'adi no yie."

Sede na Onuabarima Brems kaae no, owo nnaawotwe akyi. Wanne nne wene dee onni ho da; mmom, n'ani soo nhyira bebree a na owo no yie.

Yen Soro Agya, a oma yen dee eboro so a ema yen anigye no nim nso se yena suahunu, nyini na yena ahoden bere a yehyia na yedi amanehununu a ese se yefa mu no so. Yenim se mmer bi wo ho a yena awereho a etu akoma, mmer a yedi yaw ne mmer a yehyia nsohwe kesee pa ara. Nanso, saa akwansidee yi boa yen ma yesesa beye papa, ma yetoto yen abrabo yie wo kwan a yen Soro Agya kyere no so, na yesesa firi sede na yete dada no ho—yebedi mu kyen kane no, yebena nteasee kyen kane no, yebena akokoduro sene kane no, na yen adanse beye kesee sene kane no.

Momma wei nye yen asede—se yebeka ntini mu na yeapere; aane, na yemma yen ho nso nte honhom mu bere a yerenante awia ne sum mu. Se yen akwansidee nni ho a yebedi so, na ohaw nni ho a yebesi ano a, anka yebeye te se dee yete yi ara; na yen mpontuo beye ketewa anaa yenna bi koraa a yede bepere yen nkwa a enni awiee botae no. Anwensem-twerfo no kaa saa ara wo saa nsem yi mu:

*Dua pa nyini wo ahomere so,
Mframa kesee na ekyere dua no
ahoden
Awiem mu twe a na ekyere ne
tenten,
Ahum no bo kesee a na enya ahoden
kesee,
Enam owia, ne awo so, enam nsuo
ne sukyeremma so,
Nnua ne nnipa mu na mpunam
pa firi ba.⁸*

Owura no nko ara na onim yen amanehununu no kesee, yen yaw, ne yen apinisie. Ono nko na oma yen aso-ndwoe a enni awiee. Ono nko ara na ode awerekyekyerere nsem yi ma yen kra a abre no:

"Mo a moaye adwuma abre na wosoa mo nnesoa nyinaa, mommra me nkyen na mama mo ahome.

“Momfa me kɔnnua nto mo ho so, na monsua me, efiri sɛ medwo na mebrɛ me ho ase akoma mu; na mobɛnya ahome ama mo kra.

“Na me kɔnnua yɛ mmɛrɛ, na m’a-desoa yɛ hare.”⁹

Sɛ sɛyɛ mmɛrɛ pa mu anaa mmɛrɛ denden mu o, Oka yɛn ho. Wahyɛ yɛn bɔ sɛ wei nnsesa da.

Me nuanom ne adɔfoɔ, yɛmfa yɛn ho nsi hɔ mma yɛn Soro Agya a ɔnnhi-nhim na ɔnnsesa wɔ ɔhaw mu anaa mfɛɛ pii mu. Ense sɛ yɛkɔ ahaw mu ansana yakae no, na ense sɛ wɔhyɛ yɛn

ma yɛbrɛ yɛn ho ase ansana yɛanya gyedie ne awɛrɛhyem wɔ ne mu.

Yɛnkɔ so mpere mmɛn Ooro Agya no. Sɛ yɛbrɛ yɛ wei a, esɛ sɛ yɛbɔ mpae na yɛtie No da biara. Ampa yɛhia no aberɛ nyina ara, owia mu o, nsuo mu o. Ne bɔhyɛ no nyɛ yɛn anidasoɔ daa: “Menni wo Hwammɔ, na Memmpa W’akyi.”¹⁰

Mede me kra ahɔɔden nyina ara di adanseɛ sɛ Onyankopɔn te ase na ɔɔɔ yɛn, ne Ba a Owoo no Koro no baa wiase na ɔwu maa yɛn, na Yesu Kristo asempa no yɛ hann a ehwire mu,

deɛ ehyerɛn wɔ yɛn abrabɔ mu sum no. Enkɔ so nyɛ saa daa, wei ne me mpaɛ wɔ Yesu Kristo din kronkron mu, amen.

ATWERE

1. Yeremia 8:22
2. Job 5:7.
3. Hiob 1:1
4. Hiob 2:9
5. Hiob 16:19
6. Hiob 19:25
7. Yosua 1:5
8. Douglas Malloch, “Good Timber,” in Sterling W. Sill, *Making the Most of Yourself* (1971), 23.
9. Mateo 11:28–30.
10. Yosua 1:5.

Yɛn Mmerɛ yi mu Nkyerɛkyerɛ

Melkisedek ne Relief Society nkyerɛkyerɛ wɔ kwasiada a etɔ so nnan biara mu no, wɔde bekyerɛ “Yɛn Mmerɛ yi mu Nkyerɛkyerɛ.” Wɔbetumi de kasa a wɔkaae wɔ nansa yi amansan nhyiamu no mu baako anaa mmienu aye nkyerɛkyerɛ no ho ahoboa (hwɛ pono a ɛdi soɔ no mu). Stake anaa mansini atitenafoɔ no ayi kasa a wɔde beɔi dwuma, anaa wɔde saa asedeɛ yi behye ahwɛfoɔ anaa nkorabata atitenafoɔ no nsa. Akannifoɔ no bekyerɛ hia a ɛhia se Anuanom a wɔkura Melkisedek Asofodie no ne Relief Society mmaa no besua nkyerɛkyerɛ korɔ saa kwasiada no ara.

Yehye wɔn a wɔrekɔ kwasiada a etɔ so nnan adesua no bi no nkuran se wɔnsua na wɔmfɛ amansan nhyiamu nwoma foforo mmra.

Adwenkyerɛ a ɛfa Kwan a wɔfa so ye Nkyerɛkyerɛ ho Ahoboa

Bɔ mpaee se Honhom Kronkron no beka wo ho bere a woressua

adeɛ na worekyerɛ nkyerɛkyerɛ-nsem no. Ebia ɛbeyɛ wo se fa nwoma foforo ye ahoboa, nanso nhyiamu nkyerɛkyerɛ na wɔma ho kwan. W’asedeɛ ne se wobɛboa afoforo ama wɔasua se wɔbesua na wɔde asempa no a wɔkyerɛ wɔ nansa yi Asore amansan nhyiamu no adi dwuma.

Kɔ nkyerɛkyerɛ no mu, na hwɛhwɛ nnyinasosem ne nkyerɛkyerɛ a ɛhia ma asuafoɔ no. San nso hwɛhwɛ abasem, tweresem, ne nsem a ɛwɔ kasa no mu a ɛbeboa ma woakyerɛ saa nokore yi.

Twere kwan a wobɛfa so akyerɛ nnyinasosem ne nkyerɛkyerɛ no. Susu se wode nsemmissa beka ho a ɛbeboa asuafoɔ no:

- Hwɛhwɛ nnyinasosem ne nkyerɛkyerɛ wɔ kasa no mu.
- Dwene ne nkyeraaseɛ ho.
- Kye wo nteaseɛ, nsusuiɛ, wo suahunu, ne w’adansee.
- Fa saa nnyinasosem ne nkyerɛkyerɛ yi toto wɔn abraɔ ho.

WOREYE BOSOM-BOSOME NKYERɛKYERɛ NO	KWASIADA A ETɔ SO NNAN NWOMA
Ahinimme 2013–Oforisuo 2014	Kasa a wɔkaae wɔ Ahinimme 2013 amansan nhyiamu ase*
Oforisuo 2014–Ahinimme 2014	Kasa a wɔkaae wɔ Oforisuo 2014 amansan nhyiamu ase*

* Oforisuo ne Ahinimme kwasiada a etɔ so nnan nkyerɛkyerɛ no, wɔbetumi ayi kasa no afiri nhyiamu dada no mu anaa deɛ wɔyɛɛ no nansa yi ara. Nkyerɛkyerɛ no wɔ kasa ahodoɔ muconference.lds.org.



Titenani Dieter F. Uchtdorf na ɔtwereɛɛɛ

Fotufɔɔ a Ɔb so Mmienu wɔ
Atitenafɔɔ a Wɔdi Kan no mu

Bra, Bekaa Yen Ho

Emmfa ho ne yen tebea, yen abakɔsem, anaa yen adanseɛ ahoɔden, kwan wɔ ho ma yen wɔ Asɔre yi mu.

Bere bi, ɔbarima bi soo daeɛ se na ɔwɔ dan kɛseɛ bi mu a wiase yi mu nsɔrensɔre nyina ara ahyia mu wɔ ho. Ɖhunuu se asɔre biara wɔ nneɛma a erekame aye se eye na efata.

Ɖhyiaa awarefɔɔ bi a wɔye ananmusifɔɔ ma Asɔre a ɛwɔ ho ma Nna a Edi Akyire Ahotefɔɔ na ɔbisaa wɔn se, “Deen na *mowhewhe* firi mo asɔremma ho?”

Ɖyii ano se “*yennhewhwe* hwee mmfiri wɔn ho.” “Nanso *Awurade* se yemfa biribiara mmɔ afɔdeɛ.”

Awarefɔɔ no toaa so kyerekyere Asɔre no fre dwuma mu, fie ne nsrahwɛ nkyerekyere, asɛmpatre adwuma a egye bere, dapɛn biara abusua fie anwummerɛ, tɛmpol adwuma, yiedie ne adɔye som, ne adekyere dwumadie.

“Motua mo nkorɔfɔɔ no ka wɔ adwuma a wɔye no nyina ara?” ɔbarima ni bisaaɛ.

“O, daabi,” awarefɔɔ no yii ano. “Wɔde wɔn mmerɛ ma kwa.”

Awarefɔɔ no toaa so se, “abosome nsia biara nso no, dapɛn awieɛ no wɔkɔtie anaa wɔwhe amansan nhyiamu beye dɔnhwere 10.”

“Dɔnhwere du a nnipa de rekasa?” ɔbarima no bisaaɛ.

“Na dapɛn biara asɔre som nso e? Egye bere sen?”

“Dɔnhwere mmiensa, kwasiada biara!”

“O, hoh,” ɔbarima no kaaɛ. “So eye nokore se mo asɔremma no ye deɛ wokaaɛ no ampa?”

“Saa ene deɛ ekeka ho. Yennkaa abusua abakɔsem, mmabunu nsraban, kronkronye nhyiamu, tweresɛm-sua, akannifɔɔ nteteɛ, mmabunu dwumadie, anɔpa tutuutu tweresɛm sukuu, Asɔredan mu asiesie, na Awurade apɔɔmuden mmara nso, bosom biara akɔmkylene a yeɛ de boa onnibiefɔɔ, ne ntotosɔɔ du du.”

Ɖbarima no kaaɛ se, “Afei deɛ abo me pusa. Adɛn na ese se obi dɔm asɔre a ete saa?”

Awarefɔɔ no nwiinwiieɛ na wɔkaa se, “Na eye yen se wommisa wei da.”

Adɛn Nti na Eɛe se Obi Dɔm Asɔre a Ete Saa?

Bere a nsɔre bebree a wɔwɔ wiase nyina ara dodoɔ so rehwan kɛseɛ pa ara no, Yesu Kristo Asɔre a ɛwɔ ho ma

Nna a Edi Akyire Ahotefɔɔ—ka nsɔre a wɔrenyini yie pa ara wɔ wiase, ɛwɔ mu se se yeɛde toto afoforɔ—ho a esua. Obubuo 2013 a abesɛn kɔ mu no na Asɔre no wɔ nnipa bebore ɔpɛpɛm 15 wɔ wiase afanaa nyina ara.

Nneɛma pii nti na ɛma no ba saa, nanso mɛka ɛmu kakra.

Agyenkwa no Asɔre

Deɛ edi kan, Yesu Kristo ankasa na ɔde saa Asɔre yi baa bio. Aha na wobehunu tumi a wɔde di dwuma wɔ Ne din—mu, de bɔ asu ma bɔne fafiri, de ma Honhom Kronkron akyeɛdeɛ no, na wɔde kyekyere wɔ asase ne soro.¹

Wɔn a wɔdɔm saa Asɔre yi dɔ Agyenkwa Yesu Kristo na wɔpe se wɔdi n’akyi. Wɔdi ahurisie wɔ nimdeɛ a wɔwɔ se Onyankopɔn kasa kyere adasamma bio. Se wɔn nsa ka asɔfo-die kronkron no ayeyedeɛ no na wɔne Onyankopɔn ye apam a, wɔte ne tumi nka wɔ wɔn abrabo mu.² Se wɔwura tɛmpol kronkron no mu a, wɔte nka se wɔwɔ ne nkyɛn. Se wɔkenkan tweresɛm³ kronkron no na wɔdi Ne nkɔmhyefɔɔ no nkyerekyere so a, wɔtwe bɛn Agyenkwa no a wɔdɔ no yie no.

Gyedia a ɛwɔ Ahoɔden

Deɛ eka ho nso ne se Asɔre no de papaye ho akwannya to ho ma.

Eye ade pa se yebeɛgye Onyankopɔn adi, nanso ennye deɛ nnipa bebree hwehwe nko ara ne se wɔbetie nsempa a eka akoma anaa se wɔbeso wɔn afie a ɛwɔ soro ho daeɛ.⁴ Wɔpe se wɔde wɔn gyedia di dwuma. Wɔpe se wɔsɔre na wɔde wɔn ho hye adwuma kɛseɛ yi mu.

Na saa ara na esi bere a wɔbekaa yen ho—wɔnya akwannya bebree a esesa wɔn adom-akyeɛdeɛ, wɔn

mmɔborɔhunu, ne mmere a wɔde hye adwuma pa mu. Esiane se yenni asɔfoɔ a yetua wɔn ka wɔ nkorabata ahoɔdoɔ a ɛwɔ wiase afanaa nyina ara mu no nti, asɔremma no ankasa na wɔye ɔsom adwuma no. Wɔnam nkan-nyan so na wɔfrɛ wɔn. Eto da a yetu yen ho si ho; eto sa wɔ “tu yen si ho.” Yennhunu asɛdee se adesoɔ mmom akwannya a yede hye apam a yede anigyeɛ ye se yebesom Onyankɔn ne mma no.

Nhyira a ɛsom Bo

Ade a eto so mmiensa nti a nnipa dɔm saa Asɔre yi ne se nanteɛ a yenate fa kyidifoɔ kwan so no de yen ko nhyira a ɛsom boɔ mu.

Yehunu asubɔ se yen kyidifoɔ akwantuo no ahyeaseɛ. Nante a yene Yesu Kristo nante daa no de yen ko asomdwoeɛ ne gyinaeɛsie wɔ abrabɔ yi mu ne ɔɔ keseɛ ne nkwa a enni awieɛ wɔ wiase a ebɛba no mu.

Wɔn a wɔfa saa kwan yi so nokore mu no kwati nkukuruhweaseɛ, ɔyaw ne nnuhoo a ɛwɔ abrabɔ yi mu.

Wɔn a wɔbrɛ wɔn ho ase wɔ honhom mu no nya nimdeɛ ademudeɛ keseɛ wɔ ha.

Wɔn a wɔhunu amanee anaa wɔdi awerehoɔ nya ayaresa wɔ ha.

Wɔn a bɔne aye wɔn adesoɔ no nya bɔne fafiri, fohodie, ne ahome.

Wɔn A Wɔfiri Mu no

Nokore akyiri akwan pe de nnipa ɔpepe aba Yesu Kristo Asɔre a ɛwɔ ho ma Nna a Edi Akyire Ahotefoɔ mu. Nanso, ebinom wɔ ho a wɔgyae Asɔre no a na bere bi wɔn ani gye ho no.

Obi bebisa se, “Se asempa no ye nwanwasoɔ pa ara a, aden nti na obi begyae?”

Eto da a yesusu se ebia wɔafom yen, anaa wɔye akwadwoɔ anaa wɔaye bɔne. Dee ɛwɔ mu no se, enhye da nnye mmere saa. Eye nokore se, tebea ahodoɔ no nni sɛenti baako.

Yen asɔremma adɔfoɔ no binom de mfɛe pii dwendwen se wɔmfiri Asɔre no mu anaa.

Wɔ Asɔre yi mu no, yede obuɔ ma obiara fahodie yie; abaamua a enam

no so ma Asɔre yi san baɛ bio no bisaa ne ho nsem na ohwehweɛ eho mmuae, eno nti yede obuɔ ma wɔn a wɔde nokore hwehwe nokore no. Ebeye yen ya se wɔn akwantuo no de wɔn befiri Asɔre a yepɛ ne nokore a yeanya no mu, nanso yede anidie ma wɔn hokwan a wɔwɔ se wɔbesom ɔtumfoɔ Nyankopɔn no sedee wɔn ahonim kyerɛ wɔn, sedee yen nso yepere saa akwannya no ma yen ho no.⁵

Nsemisa a Nyiano nni ho

Ebinom adwene mu nntene wɔn wɔ nsem bi a asisi ho anaa dee ebinom aka dada a wɔmmaa ho nkyerekyeremu ho. Yede to dwa se beye mfɛe 200 nie wɔ Asɔre yi abakɔsem mu no nsem asisi daa a enam nkannyan so, a eye animuonyam na efiri soro, nanso ebinom aka nsem bi anaa wɔaye biribi a ema nnipa gye ho kyim.

Eto da a yebisa nsem efiri se yenni nkyerekyeremu no nyina ara na ebɛhia se yeto yen bo ase kakra. Se wɔyi nokore no nyina ara adi kyerɛ yen a, nneɛma a na yennte aseɛ no, yebɛ te aseɛ yie pa ara.

Eto da a esono obiara ne n'adwenkyere efa “dee esiie” ankasa no ho. Asemisa a ede akyinngyee ba no, se yehwehwe mu yie a, eto yen gyedie so

Nnipa a Wɔnni m̄ mfomsoɔ

Na se yebɛka nokore pa ara a, mmere bi aba a asɔremma anaa Asɔre yi mu Akannifoɔ aye mfomsoɔ. Nneɛma binom wɔ ho a ebinom aka anaa wɔaye a ene yen gyedie, nnyinasosem, anaa yen nkyerekyere bɔ abira.

Mesusu se nnipa a wɔdi Asɔre no anim no ye pɛpɛpɛ a, anka Asɔre no nso beye pɛpɛpɛ. Onyankopɔn ye pɛpɛpɛ, na Ne nkyerekyere ye korɔgyeen. Nanso ɔye adwuma fa— ne mma—a wɔnnye pɛpɛpɛ so na nnipa a wɔnnye pɛpɛpɛ no ye mfomsoɔ.

Wɔ krataafa a edi kan koraa wɔ Mormon Nwoma no mu no wɔatwere se, “Na se mfomsoɔ bi nso wɔ mu a na efiri nnipa; saa nti mma wɔn nnkasa ntia nneɛma a Onyankopɔn aye, ama wɔannya mo ho nkekaawa wɔ Kristo

atɛmmuo-adwa no anim.”⁶

Saa na etee daa na ebɛko so aye saa ara kɔsi eda edi mu no bere a Kristo ankasa bedi hene wɔ asase so.

Eye awerehoɔ se ebinom ahwe ase enam mfomsoɔ a nnipa aye nti. Nanso yei akyiri no, nokore a enni awieɛ a wɔasan de aba bio a ɛwɔ Yesu Kristo Asɔre a ɛwɔ ho ma Nna a Edi Akyire Ahotefoɔ no mu no, wɔnguu ho fi, wɔnnye no ketewa, anaa wɔnnsɛe no.

Se meye Yesu Kristo Somafoɔ yi na me ara mahunu Asɔre no agyinatukuo ne emu nnwuma no nti, medi adanseɛ a edi mu se wɔnnsi gyinaeɛ biara a eho hia a efa Asɔre yi anaa emu mma ho a wɔmmfa nsiye nnsre nkannyan, akwankyere, ne mfoasoɔ mmfiri Agya a ɔnni Awieɛ no ho. Wei ne Yesu Kristo Asɔre no. Onyankopɔn mma kwan se N'Asɔre mmfiri kwan a enam soɔ no so anaa se ebɛdi hwammɔ wɔ n'adwuma kronkron no mu.

Kwan Wɔ Ho Ma Wo

Mo a moatwe mo ho afiri Asɔre no mu no, mese mo, me nnamfo pa se kwan da so wɔ ho ma mo wɔ ha.

Mommra na momfa mo adom akyedee, mo akyedee, ne mo ahooden nka yen dee ho. Se eba saa a yebɛko yen anim.

Ebinom bebisa ,se “Na dee skyere m'adwene nso no e?”

Eye se yebewɔ nsemisa,—efiri se nsem a yebisa nokore mu no taa de nteaseɛ a emu dɔ yie ba. Asɔremma kakraabi na ɛwɔ Asɔre no mu a, a nsem a emu ye duru anaa eye asefem, ankyere wɔn adwene da. Asɔre no botaɛ no mu baako ne se yebɛhwe na yeada gyedie—aba no mpo, eto da a, wɔ akyingyee ne adwene a ennsi pi mu. Gyedie ye anidasoɔ a yewɔ wɔ nneɛma a yennhunu nanso eye nokore mu.⁷

Eno nti, anuanom ne adɔfoɔ, — me nnamfo pa, —mesre mo, monni kan nnye mo akyingyee ho kyim ansana na moagye mo gyedie ho kyim.⁸ Ennse se yema yen akyingyee fa yen nnɔmum na etwe yen firi ɔɔ,

asomdwoee, ne akyedeē kronkron no a enam gyedie wɔ Awurade Yesu Kristo mu.

Ebinom beka se, "Me ho nntene me wɔ nkorɔfoɔ a wɔwɔ Asɔre yi mu."

Se wobetumi ahwehwe yen akoma mu a, ebia wobehunu se wo ho betene wo yie wɔ mu sene sedee wosusu no. Ebeye wo nwanwa se wobehunu se yewɔ nneema a yerehwehwe ne akwansidee ne anidasoo a ene wo dee no ye pe. Ebia wo gyinaberē ne wo ntetee ne dee wosusu wɔ Nna a Edi Akyire Ahotefoo mu no nnye pe dee, nanso wei betumi aye nhyira. Anuanom ne adɔfoɔ, nnamfopa, yehia mo akyedeē sononko ne mo adwenkyere. Nnipa ne nkorɔfoɔ ahodoɔ a wɔwɔ wiase afanaa nyina ara ye ahooɔden ma Asɔre yi.

Ebinom beka se, "Mennye nni se metumi adi mo mmara so."

Eno nti na ese se woba! Asɔre no wɔ ho se ebiesiesie wɔn a wɔnnwie pɛye, wɔn a wɔrebɛ, ne wɔn a wɔatɔ baha. Nnipa wɔ mu pii a wɔde wɔn akoma nyina ara repere ahwehwe se wɔbedi mmaraansɛm no so, emmfaho se wɔnnwiee pɛye wɔ ho.

Ebinom beka se, "Menim mo asɔreba bi a ɔye nyaatwom. Menntumi nnɔm asɔre a obi a ɔte saa wɔ mu."

Se wohunu nyaatwom se obi a ɔntumi nni dee ɔgye die so pɛpɛpɛ a, ennee yen nyina ara ye nyaatwom. Yen mu biara nni ho a yen su te se Kristo, sedee yenim se ese se yeye no. Nanso yede nsiye repere se yebedi yen mfomsoɔ ne yen bone su a yewɔ no so. Yede yen akoma ne yen kra pere

se yebefa Yesu Kristo Mpata mmoa no so atu mpɔn.

Se wei ne dee wope a, ennee emmfaho ne tebea a wowo mu, w'abakɔsem, anaa w'adansee ahooɔden, kwan wɔ ho ma wo wɔ Asɔre yi mu. Bra beka yen ho!

Bra beka yen ho!

Ɔwɔ mo se yewɔ nnipa mmerɛye dee, nanso mewo awerɛhyem se wobehunu akra a wɔdi mu wɔ wiase yi mu no bi wɔ Asɔre yi mma mu. Ɔkame aye se Yesu Kristo Asɔre no twetwe wɔn a wɔwɔ ayamyɛ, wɔdi nokore ne nsiyefoo.

Se wohwehwe se wobehunu nnipa a wɔye pɛpɛpɛ a, wonnya bi. Nanso se worehwehwe Kristo nkyerɛkyere korongyeen, Onyankopon asem a "esa ɔkra a apira no yarea,"⁹ ne Honhom Kronkron no nkentensoɔ a edwira no a, ennee wobɛnya. Saa berɛ yi a gyedie—so rehwan yi, saa berɛ yi a bebree te nka se Onyankopon atwe—ne ho afiri wɔn ho no, wobɛnya nkorɔfoɔ a wɔrepere se wobehunu na wɔatwe abɛn wɔn Agyenkwa nam ɔsom a wɔde ma Onyankopon ne wɔn mfefoo te se wo so. Bra beka yen ho!

Mo nso, mope se moko bi anaa?

Mekae se berɛ bi, Agyenkwa no te aseɛ no, nnipa pii paa N'akyi.¹⁰ Yesu bisaa N'asuafoɔ dumienno se:

"Mo nso, mope se moko bi anaa?"

"Simon Petro buaa no se: Awurade, hwan nkyɛn na yebekoro? wo na wowo daa nkwa nsem."¹¹

Berɛ bi ba a ewo se yeyi saa

asemmisa koro yi ano. "Yen nso, yeye se yeko bi anaa? Anaa te se dee petro yee no, yebesoo daa nkwa nsem no mu yie?"

Se worehwehwe nokore no a eye kwan a wobefa so de gyedie adi dwuma; se worehwehwe faako a wɔbegye wo ato mu a: Bra beka yen ho!

Se woagyae gyedie a, berɛ bi, na wokura mu no a: San bra. Ka yen ho Se eye wo se firi mu ko a: Twɛn kakra. Kwan wɔ ho ma wo.

Mesɛ mo nyina ara a moretie anaa morekenkan saa nsem yi se: Mom-mra mmeka yen ho. Mommra mmatie Kristo fre bokoo no. Fa w'asennua na di N'akyi.¹²

Bra beka yen ho! Efiri se eha na wobɛnya dee esom boɔ kyɛn biribiara.

Medi adanseɛ se wobɛnya daa nkwa nsem, ɔgye a wɔahye ho bo no, ne kwan a eko asomdwoee ne anigyeɛ mu.

Medi nsiye bo mpaɛ se: hwehwe a worehwehwe nokore no bema woanya ɔpe bi wɔ w'akoma mu se wobeba na woabeka yen ho. Wɔ Yesu Kristo din Kronkron no mu, amen.

ATWERE

1. Hwe Mateo 16:18–19; Helaman 10:7.
2. Hwe Nkyerɛkyere ne Apam.
3. Hwe 2 Nifae 33:10.
4. Hwe "'Have I Done Any Good?' Asɔre Nnwom, no. 223.
5. Hwe gyedikasem 1:11.
6. Mormon Nwoma no Krataa fa a Edi Kan; hweMormon 8:17.
7. Hwe Hebrifoɔ11:1; Alma 32:21.
8. Hwe F. F. Bosworth, *Christ the Healer* (1924), 23.
9. Yakob 2:8.
10. Hwe Yohane 6:66.
11. Yohane 6:67–68.
12. Hwe Mateo 22:39